

卷〇三五〇 陳字

卷〇三五一 陳字

卷〇三五五 陳字

卷〇三五六 陳字

永樂大典

永樂大典卷之三千一百五十

九真

陳

陳規

宋史列傳陳規字元則密州安丘令中明法科靖康末侵殺鎮海軍節度使劉延慶其徒祝進王在去爲盜犯隨

等州規爲安陸令以勤王兵赴汴至蔡州道梗而還會祝進攻德安府守棄城遁父老請規攝守事規遣射士張立率兵討進却之既而在復與進合以砲石鵝車攻城東規連戰敗之二人懼引衆去建炎元年除直龍圖閣知德安府李孝義張世以步騎數萬薄城陽稱受詔招規登城視其營壘曰此詐也亟爲備夜半孝義兵圍城遂大敗之與群盜楊進相持十八日進技窮以百人自衛抵濠上求和規出城與交臂語進感之折箭爲誓而去董平引衆窺城遣其黨李居正黃進入城求攜規斬進授居正兵爲前鋒大破之升秘閣修撰尋除德安府復州漢陽軍鎮撫使賜三品服俄升徽猷閣待制時桑仲剽略襄漢間其副霍明屯兵郢上規請于朝就以明守郢張浚都督行蜀道仲引兵窺之爲王彥所敗仲怒從數百騎來難

明。明殺之。奔劉豫。以書招規。規械其使。以聞。李橫圍城。造天橋填濠。鼓譟臨城。規率軍民禦之。砲傷足。神色不變。圍急糧盡。出家財勞軍。士氣益振。橫遣人來。願得妓女罷軍。規不許。諸將曰。圍城七十日矣。以一婦活一城。不亦可乎。規竟不予。會濠橋陷。規以六十人。持火槍自西門出。焚天橋。以火牛助之。須臾皆盡。橫拔若去。并徽猷閣直學士。詔赴行在。改顯謨閣直學士。徙知池州。沿江安撫使入對。首言鎮撫使當罷。諸將跋扈。請用偏裨。以分其勢。上皆納之。還龍圖閣直學士。改知廬州。尋又召赴行在。以疾辭。提舉江州太平觀。復起知德安府。坐失察吏職。錮兩官。金人歸河南地。改知順昌府。葺城壁。招流亡。立保伍。會劉錡領兵赴京留守。過郡境。規出迎。坐未定。傳金人已入京城。即告錡。城中有粟數萬斛。勉同爲死守計。相與登城。區畫。分命諸將守四門。且明斥候。募土人。鄉導間諜。布設粗畢。金遊騎已薄城矣。既而金龍虎大王者。提重兵踵至。規躬擐甲胄。與錡巡城督戰。用神臂弓射之。稍引退。復以步兵邀擊。溺于河者甚衆。規曰。敵志屢挫。必思出奇困我。不若潛兵斫營。使彼晝夜不得休。可養吾銳也。錡然之。果劫中其害。殲其兵甚衆。金人告急於兀朮。規大饗將士。酒半。問曰。兀朮擁精兵且至。策將安出。或謂今已累捷。宜乘勢全師而歸。規曰。朝廷養兵十

五年。正欲爲緩急用。况屢挫其鋒。軍聲稍振。規已分一死。進亦死。退亦死。不如進爲忠也。錡叱諸將曰。府公文人。猶誓死守。况汝曹邪。兼金營近三十里。兀术來援。我軍一動。金人追及。老幼先亂。必至狼狽不獨廢前功。致兩淮侵擾。江浙震驚。平生報君。反成誤國。不如背城一戰。死中求生可也。已而兀术至。親循城責諸酋用兵之失。衆曉曰。南兵非昔比。兀术下令晨飯府庭。且折箭爲誓。并兵十餘萬攻城。自將鐵浮屠軍三千遊擊。規與錡行城。勉激諸將。流矢及衣。無懼色。軍殊死鬪。時方劇暑。規謂錡毋多出軍。第更隊易器。以逆制勞。茂不勝矢。每清晨輒堅壁不出。伺金兵暴烈。日中至未申。氣力疲。則城中兵爭奮。斬獲無算。兀术宵遁。錡奏功。詔褒諭之。遷樞密直學士。太平州圖經。規奏功。上賜規詔曰。卿應副軍需。安存老幼。鼓

作士氣。備見勞勩。狀甚嘉之。更須勉力助錡。以濟國事。遷樞密直學士。規至順昌。即廣羅粟麥。實倉廩。會計議司。移粟赴河上。規請以金帛代輸。至是得其用。成錡功者。食足故也。移知廬州。兼淮西安撫。既至。疾作。有旨修郡城。規在告。吏抱文書入卧内。規力疾起。曰。帥事機耳。董之。郡城通判。董之。語畢而卒。年七十。贈右正議大夫。有攻守方略。傳于世。初。規守德安時。嘗條土營屯田事。宜欲倣古屯田之制。令射士民兵分地耕墾。軍士所屯。

之田皆稍險隘立堡砦。寇至則保聚捍禦。無事則東時田作。射士皆分半以耕。屯田民戶所營之田。水田畝賦粳米一斗。陸田賦麥豆各五升。滿三年無逋輸。給爲永業。流民自歸者。以田還之。凡屯田事。營田司兼行。營田事。府縣官兼行。皆不更置官吏。條列以聞。詔嘉獎之。仍下其法於諸鎮。自紹興以來。文臣鎮撫。便有威聲者。惟規而已。規端毅寡言笑。然待人和易。以忠義自許。尤好賑施。家無贏財。嘗爲女求從婢。得一婦甚閑雅。性而詢之。乃雲夢張貢士女也。亂離夫死。無所託。鬻身求活。規即輟女。娶嫁之。聞者感泣。規功名與諸將等。而位不酬勞。時共惜之。乾道八年。詔刻規德安守城錄。頒天下。爲諸守將法。主廟德安。賜額賢守。追封忠利侯。後加封智敏。太平州圖經志。陳規其先密州安丘人。少負大志。刻意於學。天文卜筮。靡不通究。年踰三十。以新科明法出身。初任隆德府法曹。再調安陸縣令。靖康元年。詔諸道勤王。規慨然曰。此志士効死之秋也。號召民兵。威以義。得數千人。鼓行而前。至上蔡。遇潰兵蔽遮。不得進。勒兵還至應山。會間僅聚黨縱火焚劫。規與戰于市。寇北而遁。抵郡境。民惟呼以迎。就攝府事。規首修堞壁。礪戈矛。備弓矢。募民入粟。常如寇至。是時王在党忠嘯儔類。攻城無虛日。規獎督將士連敗之。事聞。命即真爲守。未幾。張世擁衆五萬攻

城規選勇敢更番出戰。賊鋒屢挫散去。流民入境。計口給米。全活不勝計。超遷德安府復州漢陽軍鎮撫使。李橫掠地過德安。合圍百計攻城。規冒矢石登陴激衆。飛炮傷足。神色不動。令居民伐鼓張幟。助聲勢。城中糧乏。得陳麥屑之雜木皮爲粥。與士卒同食。人殊死守。又設托竿以過鵝車。穴地道以頽寨柵。橫敗而走。城賴以全。至於諭吳錫以全孝感之民。誘霍明以間來仲之衆。招韓遁以爲尉。戮方壽以懲奸。駕御操縱。智略不窮。劉豫遣人持書招之。規不啓封。抵之地曰。逆賊負國厚恩。狗豬不食其餘。吾恨不磔汝以謝天下。顧甘言啗我耶。械其人以書聞。上壯之。會朝廷議行屯田。命諸郡守臣條上。公請以兵爲農。因農爲兵。詔嘉之。被旨赴在所。既至。首奏乞罷鎮撫。且言諸將權重。請用偏裨分其勢。因疾力請祠居當塗。未幾。再被旨赴闕。陛對。詞旨明切。當上意。出知順昌府。始至。巡視城壁多摧圯。料丁立表。周遭築甃。不淹旬。整備招集流移。編立保伍。百姓按堵。後由選調歷官至侍從。常驅馳兵間。尤死一生功名。與諸大將等。而位不至貴顯。公議惜之。葬當塗青山北。每歲春秋。郡遣僚吏致祭。乾道八年。詔刻規德安守城錄。頒天下。爲請守將法。且立廟德安。賜額賢城。追封忠利侯。勅。循生而強。歌保鄣千里。沒而祖。亘終利一方。古所謂性張惠利。以父母斯。

民。沒而可祭於社者。非斯人歟。職雖禁器之崇。官有雄師之貴。已旌其正直於他時矣。建侯錫號。臣報其為民於冥冥者。朕庶幾無愧焉。可復加封。忠利知敬。勅士夫經理邊防。繕器械。備兵。使復之人。祖其故智。以成杆鼓一方之力。其可不尸而祝之。杜而援之手。爾守安陸。當虜要衝。凡而城壕。器具。靡不詳緻。虜至輒御。一方賴焉。推所由來。實肇於汝。朕既以汝所守禦方略。俾樞庭頒行於諸郡。復加封爵。增貢廟祀。幽明雖異。激勵則一。其祇朕命。終衛乃民。可。邦人祀之尤渥云。宋名臣言行錄。公知安陸。祝進功德安守。臣李公濟適父老。請公攝府事。公辟進士安陸。韓之美。及寓居十餘人。為屬官。遣射士張立率民兵禦進却之。人心稍固。是日。王在遣人持檄諭公開門。公不答。朔日早遊騎至城下。與進軍合。又朔日引眾攻城。公乃遣人出城。縱火佛舍。與民屋皆盡。懼其藏賊也。在又以砲石鵠車之屬。進攻城東。公登樓問之。曰。何故至此。在曰。京城已破。我等皆爭門而出。所以至此。德安人聞之。皆墮淚。蓋時未知虜已登城也。公謂此皆詭辭亂語。叱退之。在圍城十有七日而去。公在郡四年。屢破群盜。傍郡皆失守。惟德安一城獨存。識者偉其能。然嚴刑重斂。人或以此疵焉。言近以群賊日滋。府司遂措置迎道。被虜人出首免罪。給公憑令歸鄉。并嚴禁捕盜人等。不

得妄加損害。節次據張世黨納陳智等三百餘人。皆執本府文榜前來投首。乞下諸路。有盜賊州軍准此施行。從之。公奏本鎮屯營田畫一事件。自中原失守。諸重鎮多失。惟公與群盜屢戰。自楊進之徒皆不能犯。由是德安獨存。牢城卒方壽等。嘗謀亂。公方會食。有告變者。公捕而詰之。問從謀者幾。壽曰。一城之軍。公之左右皆是。今夕舉事矣。公命誅壽。餘不問。一府皆服之。公以境內多官田荒田。乃倣古屯田之制。命射士民兵分地耕墾。其說以兵民不可並耕。故使各處一方軍士所屯之田。皆相其險隘。立爲堡寨。寇至則相聚捍禦。無事則乘時田作。其射士皆分半以耕。屯田少增錢糧。官給牛種。收其租利。有急則權罷之使從軍。凡民戶所營之田。水田畝賦粳米一斗。陸井田賦麥豆各五升。滿二年無欠輸。給爲永業。流民自歸者。以田還之。凡屯田事。營田司兼行。營田事。府縣官兼行。皆不更置官吏。條制既具。乃聞于朝。詔嘉獎。明年下其法於諸鎮使行之。初桑仲旣爲霍明所殺。其將吏馳報李橫于鄧州。李道聞之。與橫共率兵縞素圍明于鄧州。攻之彌月。明半夜縋城石壁而下。順流至德安。公謂曰。神鎮撫也。汝爲其屬而殺之。如法何。當速訴于朝。以辨曲直。明乃去。公曰。仲明皆黠寇也。今兩亡矣。孝感閭令久。公聞韓適在復州之湖中。召使爲尉兼邑事。適

去縣十里。臨江築壘以捍賊。有告其謀反者。公曰。亂離以來。州郡不爲賊
破者。德安耳。孝感。德安之喉襟。使吾無以制汝。則不汝付也。汝胡爲反。道
叩頭請死。公曰。吾保汝。人言若是。復遣還邑。纔兩日。適斬謀亂者數人以
獻。公上其功于朝。命之以官。初。橫間明奔德安。聚衆圍德安。公登城諭之
與和。仍送米百斛。橫受之。公請退兵。橫曰。襄陽兵至矣。無可議者。於城西
北隅造天橋。填濠皆畢。乃鼓衆臨城。公率軍民登城禦之。韓遁來告曰。孝
感有米百斛。路梗不能達。會大風雨。公乘勢呵殿而來。賊疑有神。卒不敢
擊。公求援於朝。未報。橫使人欲府之妓女而去。公不可。卒不與。守德安七
年。賊不能犯。召入朝。首乞罷鎮撫使。又言諸將跋扈。請用偏裨以分其勢。
上皆善之。知順昌得報。金人入東京。時新東京留守劉錡方送客。公以報
示錡。曰。吾軍有萬八千人。而輜重居半。且遠。來力不可支。乃見公。問曰。事
急矣。城中有糧。則能與公共守。公曰。有米數萬斛。錡曰。可矣。公亦力留錡
共守。及賞城守之勞。公曰。虜賊敗盟。臣倉皇措置。數日之間。守具畧
備。而劉錡將士每出每捷。致賊不敢逼近城。此皆錡功。臣何力焉。

陳剛中

紹興正論以登科記繫年錄。紹興正論程俱外制。長樂志。
周益公平園續集。胡澹庵集修。剛中。字彥澤。閩清縣人。祥

道之猶子。著禮書行於世者。剛中登建炎二年進士第。紹興元年。應詔上書得旨。改合入官。八年。監登聞鼓院。胡銓以直言謫昭州。廷中不寒而栗。莫敢與立談者。剛中獨以啓賀之。曰。屈膝請和。知廟堂禦侮之無策。張膽論事。喜樞庭謀遠之有人。身爲南海之行。名若太山之重。又曰。知無不言。願請尚方之劍。不遇故去。聊乘下澤之車。秦檜大恨之。十年有告訐者。謂剛中與張九成等譏訕朝政。詔九成與外任。剛中送吏部。於是以九成知邵州。而剛中知贛州安遠縣。胡銓在新州。復剛中書云。中昨亦風聞足下亦見黜。而不得其詳。蒙諭乃知底裏。輒氣拂膺。古人固有求爲葦葑中人而不可得者。自可爲足下賀也。其相期蓋如此。剛中到官數月死。其妻禿髮爲尼。扶護還鄉行路。往往爲之出涕。剛中爲人豐肌便腹。骨不勝肉。而安遠地荒僻。瘴癘尤甚。汲水冥器中。須臾墨色。以故仕者多不得免。人固知剛中之必不生還也。悲夫。

陳壽

宋汪玉山集左朝散大夫直徽猷閣陳公墓誌銘 公陳氏諱壽字國壽建之建陽人曾祖譔贈奉直大夫祖奉議郎致仕考

賓贈右朝請郎妣江氏太宜人太宜人蚤寡惟一子教之甚嚴公亦自力於學中建炎二年進士第授左從事郎洪州觀察推官未赴權建之崇安

縣丞會金人入寇且渡江。諸將不能守。潰兵有入閩者。人情恟恟。縣令與諸佐官皆避之。居民亦驚走。公獨不動。曰。此官軍也。當善待之。既至。犒勞供億。率過其望。帖然無敢譁。又移文前路。使備峙以俟。兵民舉安。一路賴以無他事。建陽弓手王廷勝等。嘯聚燒縣舍。殺主簿。官軍數不利。使者專委公討捕。公糾合民兵得千餘人。迎戰于麻沙。克之。賊所酋掠子女數百。悉放還其家。以功特授左承奉郎公。初未歷任。雖一時守領。而遇事已能如此。監湖州梅溪鎮。通判建康府連帥。故執政彊明過人。寮屬受成事唯謹。公獨不苟。從事有未安。請問辨析。詞順意篤。帥每幡然從之。公初不語人也。大將張公以樞密使視師。即建康治戰船。欲以公提舉。且曰。事畢可轉六七官矣。公以其間曲折。所當議者非一。而共事者皆難與語。力辭不就。張不樂數引它事相鏘。公從容應答。略不以介意。既而張罷兵枋朝。廷下有司考覈其軍中財用。主者以委公。謂公必不遺餘力。公平心處之。不為己甚。張始歎伏。授福建路安撫司。辟差參議官。未赴。丁太宜人憂。服除。知饒州。歲大旱。穀賈翔踴。民置於食。公精意禱祠。竭力賑濟。時州縣不敢言災異。公獨盡以實聞。所蠲弛租賦甚衆。除廣南西路轉運判州。尋知靜江府。兼主管廣南西路經略安撫司。公事靜江。歲於屬縣科取秣米。以

供公庫。又以逃亡稅租均之保伍。至公始皆除之。宿逋之在民者一不取。而廩庫皆沛然有餘。蓋公所以理財者有道矣。非如世之以掊克取辦也。召對。除直祕閣。知潭州。兼主管荆湖南路安撫司公事。未幾。改知廣州。方秦丞相當國。士人在謫籍者。雖其親舊不敢相誰何。傾險急進者。或窺伺中傷。以爲奇貨。公在嶺外。所謂護流人甚厚。監司郡守例獻羨餘。亦有題勉以避禍者。公獨未嘗獻也。其不爲時俗所移類如此。既召對。蓋將有所屬任。公議論復不合。廣州之除。非美意也。方侍闕間。而秦丞相薨。詔以公知湖州。未至。改兩浙轉運副使。公雖若足疾。而治事精明如平時。然久廢朝謁。不自安。得請主管台州崇道觀。進直徽猷閣。以寵之。尋起知饒州。已而疾益侵。再得請以歸。以紹興二十八年五月丁卯終於家。年六十有二。積官至左朝散大夫。娶詹氏。翁氏。張氏。皆封宜人。五子。長煥。右修職郎。英州真陽縣主簿。奔公喪。死於路。煥。右修職郎。成都府路都鈐轄司幹辦公事。次煥。次忻。次煥。孫一人。坦。公安貌魁碩。質性莊重。於吏事尤精敏。牒訴案牘。一覽即得要領。至其細微委曲。皆洞見。吏不能欺。約束堅明。未嘗以卒伍輩持符至州縣。而事皆如期。其剖決逋滯。伸理冤結。戢姦革弊。所至皆可紀。故世率以吏事稱公。然公守正持重。不以進退得失爲意。其見義

必爲。爲必不可奪。使其進而立朝。豈苟然已哉。公之用於世。既不盡其才。而世之稱公者。亦未盡也。諸孤以三十年三月甲申。葬公于建陽之招賢里鑒原。某嘗通判靜江府事。亦時相所不樂者。公獨相知。照煇以公行狀來請銘。義不得辭也。銘曰。利不苟就。害不苟避。時雖變遷。一斷于義。隨所試用。到則有聲。曾不一日。立於朝廷。才難固然。知亦未易。我爲銘詩。以告史氏。汪公爲此銘十年矣。煇屬拭書而立於墓。淳熙三年十月二月。始克書之。承事郎。權發遣靜江府。主管廣西路經略安撫司公事。張拭記。予戊戌歲來寓安國精舍。索居荒陋。懼不聞其過。嘗記晦菴爲予言陳候官之爲人。既接而情益親。因得見其先徽猷墓志留橐。蓋玉山公之文。而書之者南軒也。其文足信。其書足敬。所以能致文若書者。其父子之賢可知已。東導鄭鑑謹跋。秦丞相用陳公爲淮西帥。蓋將付以邊事。公以其意叵測。力辭不就。頃年公再罷番陽。熹見公考亭私第。公爲熹言此甚詳。今不能盡記其曲折也。淳熙辛丑中冬乙亥。因觀汪公所撰志銘。書此以補其闕。時汪公薨已七年。而敬夫明仲亦已下世。令人悲慨之深。新安朱熹

書公孫
坦藏。

陳彥弼

建安志陳彥弼字敏求浦城人以詞賦補太學生霍端友榜擢進士第調無錫尉繼為婺州教官改宣教郎授潭州

簽判秩滿得湖南提舉司幹官除國子博士終任出倅西全州攝郡事後因知西全州建炎中奉祠終老于家積官至朝散大夫

陳才輔

夷堅志建炎末建賊范汝為葉鐵葉亮作亂建陽士人陳才輔集鄉兵殺葉鐵父母妻子賊猖獗益甚紹興元年遂

據郡城朝廷命提舉詹時升奉使謝嚮同招安群盜皆聽命獨葉鐵不肯曰必報陳才輔乃可出詹為立重賞擒獲以畀之鐵還三十輩監守人與錢一千戒之甚至曰失去則皆斬欲明日邀使者及諸酋高會而甘心焉監者以巨索縛陳脚倒垂梁間大竹蔑萃其手劒戟成林相近尺許車一刀甚利至二更衆皆醉陳默禱曰才輔本心忠孝為國為民老母在堂豈當身受屠害若神明有知願使此曹熟睡刀自近前為破索出手使得脫去良久刀果自前如神物推擁陳以掌就斷其篲兩手既釋稍板援割截繫縛盡斷遂握刀趨門一人睡中問誰開門應曰我其人不知為陳也曰不要失却賊陳曰如此執縛何足慮及出門已三鼓行穿後巷約一里聞彼處喧呼曰走了賊陳益窘顧路旁坎下望竹蒙翳急履其間而千炬齊

發搜尋殆遍。坎中亦下槍刃百十。偶無所傷。諸人言必歸建陽。或向劔浦。宜分詣兩道把截。陳不敢擇徑路。但屈曲穿林莽中。明日抵福州古田境。賣所持刀。得錢買飯。直趨泉州。就其姊壻黃秀才。踰八日而十卒持詹君帖。至復成擒。陳知不免。亟自碎鼻。以血汙身。佯若且死。十卒自相允曰。奈何使至此。扛置邸中。真以爲因悴。不復防閑。又三日。黃生來視。適茶商置酒。招黃及十人者。商家相去稍遠。唯七人往赴。留三人護守。陳又默禱如曩時。三人皆飲所餉酒亦醉。買菜作羹。一坐房前。一吹火竈間。一洗菜水畔。陳乘間携棍棒揮擊即死。南走漳州。竟得脫。明年。韓蘄王平賊。陳用前功得官。瀧。博涉經史百氏。最深於春秋。晉書。鄉薦。漕試皆不第。放浪山水。僮僕有晉人風致。從周弼馮去非爲詩。有滄泊集九卷。凡四百餘首。晚號碧澗翁。子鐸。字子振。鐸。字子敬。能世其業。瀧與湯仲友。高常。顧逢。皆端淳名士。同郡陳發常評。癯鶴高樓。梅清澗幽。爲四詩之趣。發子永輯爲一編。名曰蘇臺四妙。發字伯和。所居號竹深。永字子久。

陳景肅

清漳志。陳景肅。漳浦人。師事東溪。有學行。登紹興第。官至朝議大夫。知南恩州。子緯。孫植。皆以恩補官。姪黃克寬。以

公偉表質登極恩
補官繼登戊辰第

陳序

京口耆舊傳陳序字彥育允之兄子不事科舉而工於詩一時鄉曲蘇君庠譚少卿知柔以能詩聞序皆與之游娶寇氏實萊

公準之裔紹興初思澧潤之功錄準後無在者補序封州文學部注楚州實應尉以邊事方殷罷文吏之為邊尉者改監行在權貨務都茶場門任滿監行在惠民局繼任編佑局紹興二十五年春兼權詳定一司勅令所刪定官滿歲為真改秩簽書保寧軍節度判官所公事卒自號碧巖居士有詩集

陳之茂

無錫志宋陳之茂字卓卿無錫人宣和初入太學紹興二年與張九成同登進士第廷對忤權臣黜之九成叩頭殿

廷曰臣之學不如之茂臣不當得之茂能言人之所不敢言宜獎不宜黜上覽對悚然曰忠言也賜之茂同進士出身調休寧尉樞密王倫推其賢召見除秘書郎累遷至知平江府以督相魏公舉陞直顯謨閣知建康隆興兩府丞相洪公復薦召對擢吏部侍郎兼中書舍人直學士院終之茂稟性剛果立志英特議論宏遠深識治體壽皇初銳意天下熙察方正特立之士期致事功每深器待將倚大用及其沒縉紳惜之為詩清勁畫尤

有法弟之淵字宗卿。習左氏春秋。與兄之茂同入太學。時號二陳。復聯中張九成榜。教授臨安府。擢秘書正字。後為湖南運使。召還。與兄之茂同為吏部郎中。朝士榮之。終秘書閣修撰。知宣州。為人淵源溫粹。識度冲曠。文尤典綢。立朝准官。不治貲產。澹泊自如。未嘗以名位矜驕。人服其厚德。

陳充

宋汪藻浮溪集右中奉大夫直徽猷閣知潭州陳君墓誌銘。君諱充字景淵。姓陳氏。世家閩中。昭陵宰相文惠公克佐之曾孫。

文惠事具國史。生述古為正議大夫贈少師。於君為祖。生知祥為朝奉大夫。知德州。贈宣奉大夫。於君為父。君少英發機警。方事紛擾。諸老生未能言之。時已洞然了其微處。及出語。人皆厭服。以父任為陳州商水縣尉。知隆德府潞城縣。縣胥為姦利。持前令短長告郡。郡守惑之。君調護令使善去。而真胥於法。聞者快之。以親嫌移滑州韋城縣。改宣教郎。通判常州。盜發青谿。濶西諸郡皆震。常當其衝。君親屬夫增陴濬隍。盜知有備不敢犯。宜撫司上其狀。遷承議郎。坐小法免。起主管西外宗室財用。提舉福建路市舶。通判太原府漳州。皆不赴。尋通判泗州。時金人寇京師。泗居東南咽喉地。郵傳不通者百餘日。盜王嗣擁眾數萬將及城。君白守收民入堡。民玩安不知兵。室入。君舍謀為亂。君正色折之。眾遂巡引去。而圍亦解。頃之。